



L'assemblea ha gist dà giu ils cedels per l'elecziun dal president da la confederaziun. La televisiun è preschenta en sala (retscha sisum).

FOTOS AUGUSTIN BEELI



En la «Wandelhalle» sa preparan il schurnalist Hanspeter Trütsch la moderatura Sabine Dahinden per l'emissiun directa da «Schweiz aktuell extra».

Tavaun e televisiun en chasa federala

Reportascha davos las culissas da la reportascha

DAD AUGUSTIN BEELI / ANR

■ **Ier endamaun èn ils parlamentaris federals d'omaduas chombras sa rinnads en la sala dal cussegl naziunal per eleger il president da la confederaziun. Ueli Maurer è vegni elegi cun in schlet resultat. La televisiun svizra ha preni quella chaschun per rapportar direct da la chasa federala. Durant ses uras han ils aspecturs da «Schweiz aktuell extra» retschevi invista en il manaschi da politica ed administraziun. L'anr ha guardà davos las culissas da questa emissiun directa.** L'onn passà era tut stà in pau auter. L'inscenaziun politica da la pps cunter Eveline Widmer-Schlumpf aveva mobilisà l'entira naziun. Co che la tactica da la pps ha fatg naufragi tutga da l'istorgia. Dapi in onn sa preschenta il parlament cun blera nova gieud. Atras las medias ha la populaziun pudì esser preschenta a l'eveniment. Ier è tut stà in pau auter. Nagin aveva fatg opposiziun a l'elecziun dal president dal cussegl naziunal. Ier ha la pps pudì sa legrar. Ses cusseglier federal Ueli Maurer ha cuntanschi in remartgabel resultat. La televisiun SF1 è stada preschenta gia a las 8.00 cura che l'assemblea ha fatg l'elecziun. Aposta per quest di aveva ella planisà ina gronda emissiun cun participaziun da blers moderaturs. Sabine Dahinden da «Schweiz aktuell», Hanspeter Trütsch, Oliver

Bono e auters protagonistis da la televisiun han preschenta als aspecturs la chasa federala d'ina outra vista. Normalmain pon ins vesair sullettmain las salas dal parlament e la «Wandelhalle» che è l'anticamera d'omaduas chombras. En l'emissiun directa dad ier endamaun han ins pudì guardar e s'informar davos las culissas.

Il «tavaun» fascinant

Ins ha vesì bler zuppà davent dals tschalèrs enfin tar la cuppla da la chasa federala. Tranter auter han ils moderaturs discuri cun gieud che lavura en l'administraziun ed en il manaschi. Ins ha pudì entrar en bleras localitads che èn uschi gliò serradas per il public. Quai che ha fascinà blers aspecturs da televisiun èn stads ils maletgs panoramics che la televisiun ha adina puspè mussà. Per quest scopo ha ella cooperà cun la firma Dedicam da Meiringen che ha mess a disposiziun ses tavaun electronic. I sa tracta d'in apparat da filmar che è montà vi d'in cundriz che vegn navigà cun telecomond. L'anr ha pudì esser preschent cura ch'il possessur Dionys Frei e sia equipa ha mess en funcziun il tavaun electronic culla camera. Cun il telecomond ha el pudì guidar e controllar il vehitel sgulant. Gist tar la preschenta da l'architettura da la chasa federala cun l'istoriografa d'art han ins pudì vesair maletgs panoramics exclusivs.




Maya Graf, la presidenta dal cussegl naziunal e dretg dasper il president dal cussegl dals chantuns, Filippo Lombardi.



Gronda fulla sin la stgla da l'entrada principala: Il di da las elecziuns è era il di da las medias.



Las trais cuplas traglischas: Las bandieras che èn tratgas si inditgeschan ch'il parlament è sa radunà a Berna per la sessiun.



Vehitel cun missiun speciala: Il tavaun è semtgà per il sgol, Dionys Frei envida il motor electric.



«Il «spion» cun telecomond che transmetta maletgs panoramics sgola gist sur la terrassa da la chasa federala.